

Quæstionum Canonicarum, In Quinque Libros Decretalium, Tomus ...

In Librum I. Decrectalium, Per quadraginta, & tres Titulos distributum, in quo agitur De Constitutionibus, Seu Legibus universim ...

Krimer, Ferdinand Augustæ Vindelicorum, 1706

Articulus I. De Jure in genere.

urn:nbn:de:hbz:466:1-73031

extensione, restrictione &c. plurimæ refolutiones dependent) tractatum hujus tituli de Constitut. in duas partes dividimus, acturi in 1. de lege in communi; in 2. de legibus in particulari,

ARTICULUS I.

De Jure in genere.

33 Jus in genere multiplicem acceptionem habet. Nam 1. fignificat justum generatim, sic, ut idem sit, ac legitimum & recte rationi consonum; quo sensu omne virtutis opus jus, & justum dicitur; specialiter autem acceptum, supponit 1, pro jure passivè sumpto, ut mox dicemus; 2. Pro arte boni, & agui, seu scientia jurium, atque legum, & dicitur jurisprudentia, & L. 1. ff. de origine juris, definitur: ars boni, & aqui, seu justi, atque injusti scientia. 3. Pro loco judicij, hinc quis dicitur in jus vocari, in jure comparere, hoc est, in loco ubi judicium exercetur. 4. Pro sententia judicis. Nam hujus est, jus dicere, seu sententiam ferre. 5. Specialiter pro facultate legitima, directè, & formaliter percipiendi commodum libertatis propriæ ex usu alicujus rei, & fic sumitur jus active; id verò, quod titulo ejusmodi facultatis in ipso residentis, ipsi debetur, vocatur jus passivė sumptum, seu debitum: de jure sie accepto agunt Theologi in 2.2.D. Thomæ, & â nobis expositum est olim in impresso brevi tractatu Theolog. de Jure & Just. q. 1. n. 6, Cumprimis autem supponit hic pro lege tum naturali, & divina; tum humana; inde dicitur jus naturale, jus divinum, jus humanum: sic acceptum jus, varium est, & multiplex, sicut ipsæleges; & de jure fic accepto, secundum quod restringitur ad leges Ecclesiasticas, in jure Canonico agitur. Quoniam autem frequens mentio incidit juris, non modò naturalis, & Divini; fed etiam Civilis, & Ecclefiastici, seu Canonici, de singulis aliqua præmitti debent.

S. L

De Jure naturali.

Jus naturale, juxta Suarez de legibus l. 2.c.4.d.2.n.9.est hominis conscientia, re-Tom. L.

Eta pracipiens, & prava prohibens, fundata (ut ait Lessius de Jure & Just.l. 2. c. 2. d. 2. n, 9.) in natura rationali, & naturali conditione operu, at q. adeo in ipsis rerum naturis; non in libera alicujus voluntate. Hinc Ernricus Pirhing in Prolegomeno Juris Can. n.8. Jus nutura inquit, non oritur formaliter ex ulla voluntate superioris; sed habetur ex ipfa natura objectorum, & actuum difconvenientium natura rationali, quatali, & fundat in qualibet natura rationali, etiam divina, obligationem non ponendi aliquid, ipsi dissonum. Et ideo in tract. de vitijs, & peccatis olim docui, dari quosdam actus (ut mentiri, odisse, & blasphemare Deum) qui mali sunt antecedenter ad omne jus positivum; nec ideo malos, quia prohibiti; sed, ideo prohibitos quia de se mali sunt, malitia fundamentali.

Juris Consulti, jus naturale, sic defini- 25. tum, vocant secundarium, constituentes jus naturale, primavum in eo, quod natura omnia animalia docuit, ut dicitur in principio Institut. de jure naturali,& gentium; hoc est, ex instinctu, & inclinatione nobis communicum brutis, ut est, maris, & fæminæ conjunctio; liberorum procreatio, & educatio; hinc jus naturale primavum, secundum juris peritos, est iple instinctus, & propensio naturæ sensitivæ, quæ hominibus cum brutis animantibus communis est. Verum in ista locutione Juris-consultus dicitur crassius, & liberius accepisse jus naturale, teste Schneidewin. l. 1. Instit. tit. 2. n. 2. Nam jus proprie, naturam rationalem respicit; cum alios gravet, & obliget; alios autem in agendô, vel omittendô, dirigat. Quare cum Theologis jus naturale proprie aliud non est, quam naturale lumen intellectus nostri, nobis inditum à Deo cum ipsa natura rationali; & propterea etiam dicitur jus naturale participatum à ratione divina, quæ est jus naturale divinum, & imparticipatum.

S. II.

De Jure positivo.

JUS positivum dicitur, quod non ex na-26 tura rerum, sed ex libera Dei, vel hominum voluntate pendet, & vim obtinet.

net. Hinc jus politivum aliud est divinum à Dei; aliud humanum ab hominum voluntate. Et quidem humanum, aliud est Ecclesiasticum, si pendet à voluntate potestatis Ecclesiasticæ; aliud laicum, seu saculare, quod à potestate seculari. Si jus agat de his, quæ principaliter, & directè pertinent ad flatum Reipublicæ, seu imperij Romani (qui consistit in facris, in Sacerdotibus, & Magistratibus) adeóque tractet de Religione, de Magistratibus, & generatim de omnibus, quæ ad publicam utilitatem talis reipublicæ spectant, dicitur jus publicum: Si verò de privata utilitate fingulorum, corumque temporali pace, ac salute; dicitur jus privatum, licet consequenter id ipsum redundet in publicam utilitatem; ita communis cum Casparo Manzio in tract. de Ortu, & Progressu Imperij Romani l. 1. de Jure publ.

Ad jus politivum aliqui reducunt jus gentium, dictum ab Imperatore, quod naturalis ratio, inter omnes gentes, constituit, & apud omnes populos peræquè custoditur, ac observatur; five, quod omni humano generi, illique feli, commune est, dicitur jus genti di; quia eo jure omnes gentes utuntur. Juris gentium esse dicitur Religio in Deum; pietas, & observantia erga parentes, & patriam: hoc jus (seu leges, & regulæ agendorum, vel omittendorum, communes propè omnibus gentibus) duplex est. Nam aliud est, quod naturalis ratio apud omnes gentes constituit, nulla utilitatis, vel necessitatis causâ urgente; sed, quia sic agenda, vel omittenda, in se spectata, simpliciter bona visa funt; at sic potius pertinet ad jus naturale (talia funt religio in Deum, pietas, & observantia in parentes & patriam) aliud verò est, quod quidem naturalis ratio dictavit, eò, quòd illa agenda, vel omittenda, de quibus præcipit, non ex se, sed necessitatibus hominum fic exigentibus, vel alijs causis, & utilitatibus sic suadentibus, judicium rationis apud omnes gentes constituerit. Hoc jus gentium, legista vocant secundarium; illud, primarium, seu primavum. Adsecundarium jus gentium (quod in repropriè est jus gentium, cum primævum à jure naturali secundario non differat) pertinet divisio dominiorum, coërcitiones criminum, bella, captivitates, & illæleges, seu regulæ, quæ super his aliquid disponunt; & omnes propè contractus.

Ex dictis colliges 1. jus naturale à jure 28 gentium à nobis definito, & quovis alio jure positivo differre. Nam illud per se loquendô, & naturâ sua est immutabile; hoc autem mutari potest non tantum per accidens, ratione objecti, vel materia mutatæ; sed etiam per se; quamvis omnes circumstantiæ, cum quibus antea obligabat, eædem maneant, cum pendeatà libera legislatoris voluntate. Colliges 2. Confuetudinem, quæ ufu, & moribus populi, vel majoris partis ex aliqua communitate introducta est, & vim legis obtinct. ad distinctionem aliorum jurium, atque legum, quæscripto conceduntur, vocari jus non scriptum, seu confuetudinem. Quia verò jus positivum aliud est Ecclesiasticum, aliud fæculare ex n. 26. de utroque dicendum est.

S. III. De Fure seculari, seu civili.

Ecanus in 1. 2. tract. 3. c. 6 q.9. n. 6. 29 postquam dixisset, divisionem juris variam esse, & 1. si sumatur ab objecto, & fine, dividi in jus publicum, quod principaliter spectat ad salutem, & felicitatem publicam, nimirum populi, & in privatum, quod in bonum privatorum generatim; 2. ab origine, in jus naturale, quod originem fuam habet à natura ; divinum, quod immediate à Deo; humanum quod ab homine. 3. A forma in jus scriptum, & non scriptum; illud scripturà, non istud, constare, sed usu pro lege recepto) subjungit tandem, jus civile variè sumi: & quidem 1. pro eo, quod quælibet civitas fibi proprium constituit; sic dicitur jus civile Romanum, scilicet cum addito; & sic opponitur juri gentium, quod omnibus gentibus commune est. 2. Ut opponitur juri canonico, & sic supponit pro omni jure, quod statuitur à Magistratu sæculari, sive apud omnes, five apud aliquem tantum yim habeat. 3. Ut opponitur juri prætorio, quod ex authoritate Prætoris descendit, de quo dicemus infra d n. 34. Hic potissimum jus civile sumimus pro co, quod oppoopponitur ratione originis juri canonico; quod spectat jus in prima divisione, notandum, sex olim, apud Romanos, species juris scripti numeratas suisse, legem, plebiscitum, senatus-consultum, placita Principum, Magistratuum, seu Pratorum edicta, responsa prudentum. Sex enim erant Romæ, qui Romanis jura constituebant, populus, plebs, Senatus, Princeps, Magistratus, & prudentes urbis Romæ, seu jurisperiti.

Juris Rom. scripti, juxta §. 4. Instit. de jure natur gent. & civil. supponit pro co, quod populus, pulsis Regibus, acceptâque libertate, constitutis Consulbus (penes quos, exemplo Regum, Summum jus erat, jure creandorum Magistratuum, pacis, ac belli, & legis fere dæ) in comitijs à Consule rogatus pro lege, seu regula in agendis, vel omittendis habere voluit; sic Manzius cit. in cit. 2. 4. Sed de Lege generaliter ex professo agemus instra à. n. 81.

Plebiscitum, erat Plebis statutum. Nam olim, quod populus Romanns Senatorio Magistratu, seu Consule interrogante constituebat, lex dicebatur, ut dictum est; Plebiscitum autem Plebis statutum: Nam sciscere, est statuere. Ea igitur, quæ Plebs suo suffragio sine Patribus (nimirum Senatoribus, & viris Patricijs) magistratu plebis (nimirum Tribuno) rogante jubebat, plebiscita vocabantur, teste Gellio 1. 10. c. 10 Porrò plebs à populo differt, tanquam pars à toto. Nam appellatione populi, univerficives, & Romanorum ordines fignificantur, connumeratis etiam Patricijs, & Senatoribus. Etsi autem nomen Patricy fit æquivocum; hoc tamen loco per illud fignificantur ij nobiles Romani, qui à primis Senatoribus, sive à 100. Patribus, quos Romulus in Senatum adlegerat, oriundi erant: per Senatores autem, qui successi temporis, vel ab ipsis Senatoribus, vel populi suffragio in ordinem erant adscripti.

Inter legem, & plebiscitum, præter alia, hoc etiam discrimen, est, quòd potestas legis universum populum; plebisciti autem, plebem tantum obligaret. Quia tamen ex hoc ipso rursum discordiæ natæ sunt; authoritate Q. Hortensij, tunc Distatoris, sactum est, ut plebiscita non Tom. I.

minus, quam leges, universum populum tenerent, & æqualis eorum potestas esset, ut dicitur §. lex est, vers. Sed & plebifeita. Instit. de jure natur. &c. id quod lege Hortensia constitutum dicitur.

Senatus Consultum (in quantum ter- 32 tia Rom. juris Scripti species) est jus, quod senatus jubet, atque constituit. Cum enim auctus sic esset populus, ut ægre in unum, Sanciendæ legis causâ, cogi posfer; æquum vifum eft, Senatum, vice populi, consuli. Ex quo vides, sicut leges conditæ sunt in statu democratico, eo nimirum tempore, quo summa rerum erat penes populum; fic Senatus confulta in statu Aristocratico, quo nimirum tempote summa erat penes senatum, seu Optimates, non autem penes populum. Senatus-consulta nomen suum desumebant potissimum à nomine Consulis interrogantis, ut Claudianum à Claudio, Libonianum à Libonio &c.

Quarta species juris Romani in statu 33 Monarchiæ conditi, vocatur constitutio, seu placitum Principis, & nihil aliud est, quam jus, quod Princeps seu Imperator Romanus constituit solus. Constituto enim Principe data est es ut quod ipse constituisset, ratum esse. Lt lex la, quâ Principi populus imperium, & potestatem jubendi leges, contulit, ei imperium fuum, & potestatem omnem concedendo, lex Regia dicebatur, quod per cam jus regnandi fuerit collatum; sic Manzius ad cit. Q. 6. n. 10. esto etiam nunc dicatur lex Impery, quòd lata sit de Cxfaris imperio, & imperiali ejus potestate. Porro placita Principum, & Constitutiones imperiales (latæ scilicet ab Imperatore Romano) sunt in triplici classe; quia tripliciter voluntatem, & placitum suum Imperator declarat, cum illud pro lege habere vult, nimirum reseribendo, decernendo, edicendo. Prima igitur species constitutionis imperialis est epistola, seu rescriptum, quando scilicet Princeps vel epistolis, & libellis supplicantium, vel magistratui & consulentibus rescribit, quid pro jure servari velit; secunda species est decretum, seu sententia, quam Princeps vel pro tribunali sedens, folenniter in judicio, de negotio controverso, causa cognità, vel etiam extra judicium (audita utraque parte litigantium) ferebat. Nam

fenten-

ententia imperialis respectu omnium subditoru vim legis habet L. ult.C. de Legibus. Tertia species est edictum, quando videlicet Princeps aliquid ex semetipso, motu proprio, vel aliquo suggerente, statuit, prohibuit, justit; vel etiam, programate publicè proposito, vel voce præconis, promulgavit ad utilitatem omnium subditoru. Hæ tres species in co differunt, quòd rescripta & decreta sint de rebus præsentibus; edicta de rebus futuris; & illa ad certas personas in specie directa; hæc verò generaliter, absque complexu rerum, & personarum emissa. Ex placitis Principum, seu constitutionibus, aliæ sunt generales, quæ scilicet omnes tenent, seu ad omnes pertinent, & ab omnibus æquabiliter observari debent; aliæ sunt personales, seu speciales, quæ singularibus personis, causis, & rebus constituuntur; & ideo dicuntur quandoque jus singulare. L. 16. ff. de legibus, aliquando constitutio personalis L. 1. ff. de Constitut: Princip. interdum beneficium L. 3. eod. Communiter autem privilegium. Not. autem Sæpè aliquid, quoad sui orginem esse juris naturalis, vel gentium, aut ctiam positivi dividiam, ad sortiendum certum juris effectum, humano jure effe aliquid speriale constitutum, atque adeo, quoad eum, esse juris civilis vel Canonici, ut patebit per decurfum.

Quintam Romani juris speciem constituebant edicta Pratorum. Pro quo not. bono Reipubl. non satis esse, quod condantur leges, sed requiri etiam, quod sint, qui curent earum executionem, & qui juri dicendo præfint. Quare post plebiscita Romæcondita in statu democratico; post senatus confulta in statu Aristocratico; vel constitutiones Principum in Monarchico, constituti fuerunt aliqui, qui eorum executionem urgerent, & secundum ea causas definirent; & hi vocati funt Pratores. Hi virtute potestatis sibi tributæ,& secundum jurisdictionem suam proponebant edicta, quæ Pratorum edicia dicebantur. Quamvis autem primitus omnis Magistratus Pratoris nomine vocaretur (unde ortum, quòd locus, in quo Magistratus jus dicebat, vel habitabat, Pratorium diceretur) postea tamen illi solum Magistratui nomen Pratoris dabatur qui juri dicendo præfici-

ebatur, & Summam judiciorum potestatem haberet. Ab initio unus tantum erat Prætor, dictus Urbanus, quod in Urbe jus redderet; sed quia hic solus postea non suffecit, Secundus constitutus est, dictus Peregrinus, quòd plerumque inter peregrinos jus diceret. Tandem Singulis Provincijs Prætores dati sunt, qui dicebantur Provinciales. Non omni tempore Romæ fuit eadem potestas Prætorum; minor in statu Monarchico; major in aliis. Aliquando tamen penes eos sic juris publici, & privati potestas suerat, ut ipsis novum jus condere, & vetus abrogare liceret. Et ideo jus eorum, ob honorem iplorum, honorarium, dictum est. Ordinaria potestas erat circa judicia, cognoscendô causas gravioris momenti, vel dandô alios judices; præscribendo postulantibus formulas actionum, & judiciorum; tum intra, tum extra judicium authoritatem suam interponendô, jubendô, adjuvandô, vel emendandi juris civilis gratia edicta proponendo. Hinc illa pars juris Romani, quæ à Prætoribus, vi fuæ potestatis, propter utilitatem publicam, proposita suit, edicta Pratorum, dicitur. Proponebant enim sententiam suam, ut scirent cives, secundum quod jus acturi in judiciis essent, durante officio. Hac porro Prætorum edicta magnam vim habebant; minorem tamen plebisscitis, senatuscon fultis, & placitis Principum. Hæc enim e rant perpetua; illa tantum annua, & cum officio, quod erat duntaxat annuum, exspirabat. Hodie tamen perpetua sunt, & omnes ligant, non jure edicti, led Justinianea constitutionis, qua pro lege haberi jubentur. Vocantur non tantum jus honorarium, sed etiam Pretorium.

Cum plebs domesticis legibus nunqua 35 contentari posset, ut quiesceret; placuit, ne quis invidiz locus esset, externas leges in urbem inducere. Hinc in Graciam prassertim Athenas, missi sunt tres Legati, qui leges Solonis, juráque, & mores aliarum civitatum perdiscerent. Hi post annum tertium reversi, scriptas leges tulerunt. Quibus allatis, tribus prioribus, alii septem Viri additi, qui decem simul ex Gracis legibus, & Romanis consuctudinibus, Romanas leges condiderunt, scripserunt, & publicarunt, omnibus in compendium redactis, & comprehensis in decem tabu-

lis. Quia verò animadversum est, illis aliquid deesse, sequenti anno alias duas eisdem tabulis addiderunt, unde nomen, & numerus 12. Tabularum prodijt, ut dicitur c. 2. dift. 7. Quoniam verò ista multum obscuræ fuerunt, Jurisperiti (qui hic prudentes vocantur) in principio cæperunt leges 12. tabularum interpretari, permissu populi, sed sine speciali authoritate, tam in statu Democratico, quam Aristocratico Romanorum. In statu tamen Monarchico deinde interpretationes, seu responsa Jurisperitorum eam authoritatem acceperunt, ut judici ab eis recedere non liceret; hoc tamen non priùs, quam eis Imperator Augustus hanc authoritatem respondendi constituerit, quem secutus Tiberius, & alij, Q. Responsa. V.

quibus Instit. de Jure natur.

Igitur responsa prudentum nihil aliud funt, quam fententiæ, & opiniones corum, quibus permissim erat de jure respondere. Quæ fuerit his responsis authoritas, constat ex priori num. Per sententiam intelligitur responsum, quo decisive loquebantur; & per opinionem, quando dubitative. Tunc autem Judici ab corum responsis non licebat recedere, quando omnes in idem consentiebant; ita Manzius ad cit. 2. Responsa. V. guorum omnium n. 14. Hanc porro authoritatem Jurisconfultis deinde ademit Imperator Justistinianus. Unde hodie non necessitant ad decisionem responsa Doctorum, sed tantum præfumptionem faciunt, & tantum eis credendum, quantum probant, & non plus. Ex quo colliges, ea tantum responsa prudentum vim legis obtinere, quæ in Pandectas relata funt, & hoc non ex se, sed ex legis constitutione, & authoritate Theodofiy Imperatoris, & Justiniani L. 1. 2. Sed neque, c. de veteri jure enucleando. Hxc de Jure Romanorum scripto. Ex glossis autem, & opinionibus comunibus, probabilis quidem, sed nulla certa probatio est; ut notat Scotanus in Examine Juridico p. 1. Pandect. f. 48.

Præter hæ notand, jus civile, seu sæculare commune plerumque nunc sumi
pro jure scripto, quod est clausum, seu
contentum in Corpore juris civilis, seu libro juris, quod Cæsareum dicitur. Hoc
præcipuè dividitur in tres partes juxta

nonnullos; nimirum in Digefta, Institutiones, & Codicem. Prima pars est Pandectarum, seu Digestorum, qua complectitur 50. libros, distributos in tria Volumina; quorum primum Digestum vetus, secundum Infortiatum, tertium Digestum novum appellatur. Illud autem volumen (inter Digestum Vetus, & Novum) medium, Infortiatum dicitur; quod aliqui ab Authore, seu Inventore sic appellatum dicunt; aliqui ab inforcisim Chaldæorum vocabulo, quod idem est ac dispositio. Nam in co sunt leges circa ultimas dispositiones; alii autem compofitum volunt ab in, sumpto pro valde; & fortis, quali volumen continens Leges valde fortes, ut notat Peregra in Elucid. l. 1. elucid. 10. de Legibus n. 256. Institutiones autem Imperiales (quatuor libris comprehensæ) sunt quoddam totius juris compendium, quo juris amantes suavius ad plenam juris scientiam perducerentur; Codex autem constitutiones, & rescripta Imperatorum antiquiorum complectitur. His tribus juris civilis partibus adjectæ funt ad finem Authenticæ, seu Novellæ constitutiones Justiniani, & Lec , n. cum, constitutiones feudales, alia impe thentica, desumptæ ex Novellis, & suis locis subject legibus Codicis, privata juris confulti operà, nihil probant, nifi respondeant ijs locis, ex quibus desumptæ funt, ut docet Bernard. Scotanus. Pandeclarum p. 1. de jure civili, & libri ejus fol. 14. Subjungens : Leges Leonis nihil probare, contra Leges Justiniani sed tantum comprobare; Quia Leo non habuit plenum imperium, & ejus Novellæ nunquam fuerunt receptæ absoluté. Res judicatæ autem tantum funt fundamenta confuetudinis, & per se Legis virtutem non habent; sic Scotanus cit. in &xam. Jurid p. 1. pandect. f. 28.

Circa hæc breviter not. 1. cum olim 38 juris, & legum volumina essent propemodum insinita, ita ut impossibile suerit hominis ætatem istorum voluminum lectioni sufficere (fuerunt 2000. librorum conscripta, & plus, quam tricies centena millia versuum à veteribus essus, ut dicitur L. 2. §. Omnia igitur. V. Sed cum omnia, C. de veteri jure enucleando.) Justinianum Imperatorem constitutiones Ro-

B 3

mano-

manorum Principum, olim confusas, & babilitatem, & præsumptionem, in quantispersas, atque inter se pugnantes, collegisse in tres Codices, Gregorianum, Hermogenianum, & Theodosianum, a suis authoribus appellatos; ut dicitur c. sin.

dift. 7.

Not. 2. quòd his deinde multas extravagantes constitutiones, post illostres Codices editos adjecerit, rejectis inutilibus, & additis necessarijs, annexas, omnesque in unum corpus, & volumen congestas, quod de suo nomine vocavit Corpus, seu Codicem Justinianaum, ut notat Manzius ad procem. Instit. in Rubricam ¿. & cùm Sacratissimus n. 1. hie tamen Codex hodie non extat.

- Not. 3. eundem confecto Justinianzo Codice, aggressum esse opus aliud difficillimum; & veteris juris prudentiæ volumina, atque juris consultorum scripta, & sententias, rejectis inutilibus, in unum volumen (quod constat 50. libris) congessisse, quos libros vocavit pandectas, & digesta; quia omnem juris doctrinam, certo ordine concinnatam, & digestam continent, ex jure vereri, & sententiis juris confultorum collectam: deinde verò mandass pun se Professoribus, i neophilo, & Dorotheo, ut suo Cæsaris nomine, & authoritate, quoddam totius juris compendium ex pandectis, & Codice colligerent; quod in 4. libros divisum vocavit Institutiones juris civilis; quo etiam obtento, ad prioris Codicis emendationem, & fecundam ejus editionem manum admovit, ac longè emendatiore reddidit, quibusda detractis, & novis additis, quæ in priori non habebantur. Et hic Codex est, quo hodie utimur. Pouremo novæ Constitutiones, seu Novellæ (vulgo authenticorum liber) additæ sunt; quibus tandem accesserunt consuetudines feudales, & aliæ constitutiones Imperiales. Ex quibus colliges. Institutiones hic aliud non esse, quam totius juris civilis elementa prima, in quibus breviter exponitur, & quod antea obtinebat, & quod postea desuetudine inumbratum, imperiali remedio illuminatum eft.
- Not. autem 4. quòd libri Institutionum, in quantum sunt ex authoritate privata colligentium, non necessitent ad decisiones causarum; licèt saciant pro-

tum bona ratione moventur. Gloff. ordin. in L. 1 C. de legibus: quà verò sunt ab ipso Imperatore recogniti, & approbati, non minorem habent auctoritatem, & vim, ac cæteræ juris partes. Et ideo Institutiones juris canonici Pauli Lancelloti non funt authenticæ; quia licet jussu Pontificis suerint confectæ, ab eo tamen, morte intercepto, postea non sunt recognitæ, ut patet ex Epistolis eisdem subnexis. Ex quo vides valde utile esse, ut observetur, quo ordine partes juris civilis composita, & approbatæ fint. Nam cum lex posterior priori contraria vel deroget, vel abroget; Codex Pandectis, & Institutionibus; Novellæ, omnibus juris libris de-

Not. 5. cum Institutiones juris civilis 42 exhibeant folum prima, & concisa juris rudimenta, eas in nonnullis accipere interpretationem ex Pandectis, ut cum aliquid latius explicandum, qualiter fit in S. fin. Instit. de nupt. & in d. fin. Instit. de publ. Judic. vel limitandum, ut fit 2. 30. Instit. de rerum divis. juncta L. 37. & 38. ff. de rei vind. item §. 25. Instit. eod. junct. L. 7. Q. 7. in fine ff. de acquirendo rerum domin. interdum autem ex institutionibus deciduntur Juris confultorum pugnantes opiniones, in dige-Sta relatæ, ut fit in 2. 34. Instit. eod. jun-Châ L. In rem 23. 2. 3. de rei vindicat. ff. & L. 9. 2. 2. ff. de acquirend. rerum domin. Quandoque per eas etiam digesta corriguntur §. 2. Instit. de adopt. nimirum, ut leges vi posterioris compositionis, vel ob constitutiones novas, quæ non pandectis, sed institutionibus variis locis insertæ sunt, mandato Imperatoris. Constit. dedit Q. sed cum oportebat 11. ad magn. Senat. Quando antem aliqui dicunt etiam Codicem interdum corrigi per institutiones, accipiendum est de Justinianzo; non eo, quo utimur; cum hic post illas compositus sit; Sic Bernard. Scotanus in Examine Juridico p. 1. Pandectarum de jure civili.

Not.6. in quæstione quid sibi velint authenticæ in Codice? Responderi à Scotano cit. illas esse dessumptas ex Novellis, & suis locis subjectas legibus Codicis, privatà operà Irnerij J. C. & consequenter nihil probare; nisi respondeant iislo-

cis; ex quibus desumptæsunt, ut dictum est n. 37. Constitutiones autem Leonis, propterea nihil probare contra Leges Justiniani, sed tantum comprobare, quia Leo non habuit plenum imperium; & illæ Novellæ nunquam receptæ funt absolute, sic ille. Libri feudales, privato potissimum studio Gerardi Nigri Capagisti, & Oberti de Orto, compilati funt, ut habetur c. unic. si de feud. Vasall. interpell. fuer. & habent vim juris, ubi sunt recepti, ibique derogant juri communi; quamvis Jurista strenuus in casu, qui non est comprehensus consuetudine seudali, sine calumnia uti possit lege scriptà c. unic. de feud. cogn. Ad extremum nota novum Codicem, quo nunc utimur, nominatum, esse Codicem repetitæ prælectionis, 50. decisionibus novis, in controversis causis, aliisque constitutionibus locupletatum, & confirmatu esse 17. Calend. Dec. Anno 534. ut habetur in constit. de Emend. Cod.

44 Quoniam autem, ut experientià compertum est, frequenter evenit, quòd tam Sacri Canones, quam etiam Leges ab Authoribus insertæ libris suis, & inde opinionem suam, & doctrinam firment; non rarò aut citentur falsò, aut in sensu non debito, imò quandoque pro casu, de quo tali loco nihil omnino agitur: atque adeò errare nolenti necessarium sit, ipsum juris textum inspicere, subjungo, aliorum imitatione, praxim referendi, citandi, ac inveniendi locum illum utriusque juris, de quo agitur; pro quo not. cûm suprà dixerimus, corpus Juris civilis constare tribus præcipuè voluminibus, Institutionibus, Digestis, & Codice, quibus accedunt Authenticæ, Novellæ, Libri feudales, & Pax Constantiensis; alios dictum Corpus dividere in fex volumina, Institutionum, Digelti veteris, infortiati, novi, Codicis, & authentici, ut notat Pereyra in Elucid. l. 1. elusid. 19. de legibus sect. 10. n. 255. quibus præmissis:

Primum volumen seu pars juris civilis, seu Cæsarei, continet Institutiones Justiniani, quasi quasdam introductiones ad jus civile, vocarique, & citari solet per vocem Instituta, seu Institutiones. Hoc volumen dividitur in quatuor libros; hi in titulos; & isti in paragraphos; hine allegatione juris civilis, sacta per 2 2. & Titulos, hoc modo 2. 1. vel 2. In-

genuus, Instit: de Ingenuis. notatur locus, seu ¿ quærendus in prima parte Corporis juris civilis, nimirum in eo libro Institutionum, sub quo est Titulus, de Ingenuis.

Altera pars juris civilis est digestum, 46 continens tria volumina, nempe digeftum vetus, infortiatum, & Novum. O. mnia funt distributa in 50. libros continuatos; libri divisi sunt in titulos, & tituli in Leges. Circa hæc not. 1. hæc volumina vocari Digestum, non solum, quia hoc opus decoctum, ut dicitur c. Ne tales, dist. 5. de consecrat. sed quia in eo omnia decidentia optime digeruntur, & recta serie ordinantur. Vocantur etiam Pandecta, seu liber Pandectarum, quasi comprehendens totam juris doctrinam, à Græco Pan, quod est totum, & dicti, id est doctrina, quod ibi tota Juris consultorum doctrina reperiatur. Cur autem volumen medium inter vetus, & novum, dicatur infortiatum? diximus n. 37.

Not. 2. In citatione juris civilis pro Le-47, ge poni literam L. pro digestis duplex ss. semper addito titulo, in quo ea lex continetur, v. g. hac man L. Ex duobus. ss. de negotijs gestis, ubi la duobus. ss. de negotijs gestis, ubi la duobus. ss. de negotijs gestis, ubi la duobus. ss. duobus.

Not. 3. à nonnullis quæri, cur modò per 48 duplex ff. digestum significetur, cum olim per duplex dd. vel per D. & g. scriberetur? Pereyra cit. n. 255. hujus duplicem causam reddit 1. quòd olim Graci Pandectas per duplex i i. cum accentu circumflexo notaverint; unde factum, ut posteriores, ex ignorantia Græcarum literarum, credentes esse duplex sf. hoc signo abuterentur. Alteram, quod multi credant, hunc librum esse auctum à duobus Fridericis Imperatoribus, ex quorum nomine, acceptâ primâ literâ, coaluit duplex ff. quo digestum significetur; licèt alij quandoque significare volentes Pandectas, denotent per literam P. Ex hoc colliges, fi jus civile citetur per L. & ff. vel P. ac materiam tituli, ut priori num. ostensum est, significari legem illam contineri sub eo titulo Digestorum, vel Pandectarum,

Terti-

Tertium Volumen juris civilis, juxta primam ejus divisionem, &, juxta alios volumen quintum, est Codex, sub quo nunc intelligimus Codicem repetita pralectionis de quo n. 35. Hic dividitur in duodecim libros, Titulos, & Leges. In citatione tamen non fit mentio libri in eo contenti, sed Tituli & Legis, addito C. magno, quo significatur Codex, v. g. L. Si mulier. C. de Pactis conventis. Cum autem in eodem Codice contineantur aliquæ Authenticæ, quando illæ citantur, non ponitur L. sed loco illius dicitur Authentica, nominando illam per verba initialia, subjungendo C. & Titulum v. g. Authentica, quas actiones, C. de Sacro-

Sanctis Ecclesiis.

Et quoniam suprà diximus, præter Institutiones, Digesta, & Codicem, in Corpore juris civilis, seu Cæsarei contineri aliud volumen, quod dicitur Authenticum, grace Authenticon, latine Auctoratum (cui nempe fides habeatur, quasi accerfitis aliunde probationibus non egeat, sed sit instar exemplaris, seu originalis à se, non ab alio dependentis, eò, quòd Justinianus has postremes constitutiones Authentices queil Auctoratas, sic appellaas ; quia iple illarum author fuit, nec aliunde profectæ funt, & fundatum in illis jus omnino ratum esse voluerit) cum inquam hoc authenticum, seu liber Authenticorum in eodem Corpore contentus sit, aliqui volunt illud esse volumen sextum ex his, quibus constat Corpus juris civilis; esto nos cum alijs supra dixerimus aliquid annexum Codici.

51 De hoc volumine, seu Authentico, ea, quæ subjungimus, sic exponit Pereyra cit. à n. 260. dicens: Authenticum dividi in quatuor partes; primam continere alios tres libros Codicis; Secundam, novem collationes Authenticorum; tertiam, duos libros feudorum: quartam constitutiones Federici, & Extravagantes Henrici, tractatumque de pace Constantiæ. Pro quo. Not. 1. primam partem non citari verbis initialibus legis, ut fit in citatione Codicis; sed posito ejus numero, & loco legis, dicendô: Authentica v. g. Authentica 1. vel 2. & apponendô titulum v. g. de Infamibus. ubi sensus est, denotari legem Codicis, contenti in libris Authentico-

rum : aliqui tamen citant codem modo, quo citatur Codex, addendo numeru trium posteriorum librorum sic: L. Eos qui. C. de aque ductu, lib. 11. Not. 2. secundam partem, quæ specialiter vocatur Authenticum, distribui per collationes, titulos, & Capita; sed, quando citatur, poni titulum authentici, & initium paragraphi, seu Legis hoc modo: Authen. Ut cum de appellatione cognoscitur, S. fen L. alind quoque; nam perinde est, five ponatur S. five L. Antiqui autem addunt numerum collationis; fic in proposito exemplo addunt: collation.8.

Advertendum autem ex Pereyra cit. n. 52 256. quod Justinianus hoc opus (nimirum Authenticum) distinxerit in novem velut libellos, quos collationes forte appellavit; quòd earum Leges intulerit ad vetustissimum Romanorum jus, quod nuper in librum Pandectarum redegerat; cui operi accesserunt plurimæ constitutiones, quæ propterea Novellæ appellantur, quia nunquam antè ipfi corpori Juris infertæ fuerunt; hinc: Not. 3. esse quosdam, qui hanc secundam partem citant per numerum Novellarum; quia in nonnullis editionibus Novellæ cernuntur numeratæ; differunt igitur citationes, in quibus nominatur Authenticum, quod, quando locus citatus est in Codice, ponitur initium Legis, & tituli Codicis. quando autem est in collationibus, ponitur titulus Authentici cum 2.

Not. 4. tertiam partem dividi in li-53 bros, titulos, & paragraphos, seu leges, & citari posito initio §. & tituli, addendô, de feudis, vel in Libro feudorum, v.g. S. donare autem, de feudis, qualiter olim poterat; ubi adverte, à nonnullis loco S. poni hanc vocem textus, ut in exemplo posito: textus, donare autem. Eodem modo citatur quarta pars per § vel textum. & titulum in tali extravagante, v.g. textus in Extravag. Qui sint Rebelles; &, textus, Vafalli nostri, de pace Constantia Ad extremum monet Perevra cit. n. 26%. in fine, ut locus citatus (præsertim titulus, sub quo sit capitulum, vel lex citata) facilè reperiatur in Corpore juris Canonici, vel Civilis, recurrendum esse ad initium voluminis, ubi communiter, præter indicem rerum, & verborum funtalii duo, unus titulorum, alter capitulorum, seu legum cum numero paginæ: ex- pore juris continentur, Sie Fagnanus cit. z. peditius autem esse, quærere paginam tituli; quia sub eo facile reperitur Lex, vel capitulum citatum. Si autem quæras, quomodo quis cognoscere possit, in quo volumine ex tribus digestorum, sit locus allegatus? Respondet Pereyra citatus: Juristas non habere regulam determinatam ad hoc cognoscendum; & ideo singula percurrenda esse per dictos indices.

e. IV.

De Jure Canonico, seu Ecclesiastico.

54 Anon, fiftricte sumatur, significat con-Astitutionem Ecclesiasticam, editam in Concilio generali, teste Faguano c. statuta Canonum. de Constitut. à n. 18. late autem, omnem constitutionem, seu regulam Ecclesiasticam, sumendo hanc pro jure condito ab Ecclesiastica potestate. Canon enim latine regula dicitur. c. Canon. dift. 3. & G. Regula, eod. hinc à Canone sic accepto jus conditum ab Ecclesiastica potestate Canonicum dicitur, & definitur: jus positivum à summis Pontificibus &celesia Catholica traditum, constitutum, & approbatum, actiones fidelium proximè ad divinum cultum ordinans, & Christianam justitiam in eis conservans, & augens. Si Canon sumatur late, comprehendit omnes species Ecclesiastica Constitutionis, nimiru Canones etiam frielefumptos; decretum, quo intelligitur id, quod statuit Papa de confilio Cardinalium, & absq; ullius consultatione; Epistolam decretalem, quæ est constitutio Ecclesiastica, quam Papa vel folus vel cum confilio Cardinalium, ad alicujus consultationem transmittit, & promulgat; dogma, quo intelligitur constitutio Ecclesiastica pertinens ad doctrinam fidei; mandatum, quo fignificatur constitutio Ecclesiastica pertinens ad disciplinam, & mores; Interdictum, quo fignificatur Constitutio Ecclesiastica prohibens aliquid, fine pæna: fi autem prohibeat sub pœna, dicitur sanctio, ut videri potest apud Pirrhing h.t. n. 2. & alios. Not. tamen 1. hos terminos, Canon, Decretum, Epistole Decretales frequenter sumi promiscue, ac pro synonimis, inlatiore nimirum fignificatione; frequentius autem nomen Canonis usurpari pro constitutionibus Pontificum, quæ in Cor-Tom. I.

22. ex. c. Si Romanorum diff. 19. Ex quo infert Bullas Pontificum, motus proprios, Brevia, Regulas Cancellariæ, decreta consistorialia, & alia hujusmodi (quæ eduntur à summis Pontificibus sine Concilio, & extra Corpus juris verfantur) non appellari secundum communem usum, Canones.

Not. 2. Canones, seu decreta Conci-55 liorum generalium nullam habere auctoritatem juris, nisi consensu, & auctoritate summi Pontificis congregata, & confirmata fint, ut dicitur c. significasti de electione, & notat. Barbos. in cit. c. n. 5. Nam de his, quæ sunt universi corporis Ecclesiastici, spectat ad universalis Ecclesiæ Rectorem, Pastoremque, ac Supremum Judicem omnium Christi sidelium, ut pluribus videri potest apud Suarez, l. 4. de legib. c. 6. n. 6. n. 2. & Layman l. 1. Theol. mor. tr. 4. c. 6. 2. 2. 9. Ec ratio est, quia lex non fertur nisi in subditum (cum legem condere sit actus jurisdictionis) unde, cum soli Romano Pontifici Universitas fidelium, tanquam Christi in terris Vicario, commissa sit; solus etiam Romanus Pontifex com ligare legibus poterit; aut is, cui committit, prout contingit in Concilijs generalibus, ejusdem Authoritate convocatis, & appro-

Not. 3. inter cætera Concilia œcume- 56 nica, seu universalia, quatuor esse, quæ principaliter totam fidem Christianam complectuntur, & ideo ab Ecclefia Catholica, tanquam quatuor Euangelia, probata, & recepta esse, nempe Nicænum, Constantinopolitanum, Ephesinum, & Calcedonense. c. 5. 2. inter catera, & c. 2. dist. 15. quamvis etiam reliqua Concilia generalia, Summi Pontificis Authoritate convocata, & approbata, vim, & authoritatem habeant, ut dicitur c. 3. cit. dist. 13.

Not. 4. inter Concilia particularia, 57 seu non œcumenica (ad quæ scilicet non vocantur omnes Episcopi totius Orbis) alia esse nationalia, alia Provincialia, alia synodalia, & diecesana, seu Episcopalia. Nationalia sunt, que convocantur ab aliquo Primate, seu Patriarcha, convocatis Archiepiscopis, & Episcopis unius Regni, aut nationis, seu duorum, tri-

um, & plurium Provinciarum. Provincialia sunt, quæ coguntur ab Archiepiscopis, seu Metropolitanis convocatis omnibus Episcopis suffraganeis, seu Coëpiscopis Provinciæ, ad quæ etiam Capitula Cathedralium Ecclesiarum invitantur, sed sic, ut in his habeant suffragium solum consultivum non decisivum; Abbas in c, ult. n. 2. de his, quæ siunt à Prælatis.

58 Et quamvis aliqui cum Fagnano in c. Referente de Prabend. n. 2. velint, Metropolitanum, & Archiepiscopum esse synonima, seu idem importantia; alii tamen docent, esse differentiam, quod idem relate ad civitates minores dicitur Metropolitanus, relate autem ad Episcopos, fibi subjectos, seu suffraganeos, dicitur Archiepiscopus, seu Princeps Episcoporum. Et ideo Metropolitanus is est, inquit Gothofredus ad L. 20. S. 5. C. de Episcopali audientia, qui potestatem habet in minorum civitatum Episcopos, ut colligitur ex c. Cleros S. ordo V. Metropolitani, dist. 21. hinc Ecclesia Metropolitana est matrix Ecclesia, ex qua aliæ coloniam duxêre. Et licet Benedict. Pereyra in Elucidarie de proprietate Sermonis Theologici, Canonici, & Civilis 1, 10. n. 279. dicat, has voces, Archiepiscopus, & Metropolitanus coincidere; Metropolitannm tamen exfplicat relate ad Principem civitatem (seu residentiam) dicens: Metropolitanus est Episcopus, presidens civitati, quam alie civitates, Episcopos habentes, agnoscunt,ut Matrem, & Caput.

nut ab Episcopis in suis diæcesibus, convocatis Prælatis, & Parochis; Laym. l. 1, tr. 4. c. 7. 2. 1. n. 1. sed adverte, hæc concilia Episcopalia, rectiùs dici Synodos, quam concilia, ut patet ex c. sicut olim 25. de accusat. Et his annumerari possunt capitula, seu Congregationes, in quibus de Superiorum Suorum authoritate Regulares ejusdem ordinis conveniunt, de quibus agitur c. penult. & ult. de statu Monachorum.

o Not. 6. ut Concilia non ecumenica vim, & authoritatem habeant in dixcefi, provincia, vel Natione, non requiri confensum, vel approbationem Summi Pontificis, modò in ijs nihil statuatur contra canones, vel consuctudines universa-

lis Ecclesiæ; ita Laym. cit. n. 2. Decreta verò Concilij generalis omnes omnino Christianos obstringunt c. 1. dift. 15 & c. 1. de constit. sicut statuta Concilij particularis subditos solum tamdiu quamdiu in regno, provincia, vel diæcesi sunt. Nam extra territorium jus dicenti, impune non paretur, ut dicitur c. 2. de constit. in 6. & L. fin. ff. de Jurisdictione , Concilia enim provincialia neque definiendi , neque generaliter constituendi vim aliquam habent; sed tantum curandi, ut id servetur, quod alias statutum est, & generaliter, seu specialiter observari præceptum est; ita Lancellotus. instit. 7uris Can. l. I. tit. 3. intellige pro tota &cclesia, nec enim statuta subditos extra diæcesim constitutos, aut ignorantes (nist supine) ligant. Lancellot, cit. Nam extra territorium, jus dicenti non paretur impune, c. Ut animarum, de constitut. in 6. quod tamen sic accipe, ut procedat de statutis Concilij particularis, non relatis in Corpus Juris Canonici, ut dicitur c. 2. de elect. & c. nec Episcopi, de temporib. Ordinat. vel non approbatis generaliter à Summo Pontifice; secus enim perinde obligant omnes Christistideles, acsi ab ipfomet Concilium convocatum, & celebratum effet. Nam juxta Justinian. Imper. in L. r. C. de jure veteri enucleando, omnia nostra facimus, quibus authoritatem nostram impertimur.

Not. 7. decreta, & constitutiones Pon- 61 tificum æquipollere canonibus, & decretis Conciliorum; cum hæc ab illo vim fuam, & authoritatem habeant. Hincomnis voluntas Pontificis per Epistolam, vel decretum, vel edictum promulgata vim habet, & authoritatem juris, quoad vim obligandi naturaliter c. 2. & 3. dist. i9. ibi; sic omnes sedis Apostolica Sanctiones accipienda sunt, tanquam ipsius D. Petri voce firmata sint. Et hoc procedere de decretis Pontificum, etiam non infertis juri, xquè ac insertis, docet Chassaing de privileg. Regular. tr. 1. c. 1. propof. 2. & habetur c. si Romanorum 1. dist. 19. ubi Nicolaus Papa scribit Archiepiscopis, & Episcopis, per Gallias constitutis, quod decretales Epistolæ Romanorum Pontisicum fint recipienda, etiamsi non fint Codici canonum compaginata; & infra; itaque nihil refert , utrum fint omnia , nec ne ,

decre-

decretalia Sedis Apostolica constituta inter Canones Conciliorum immista &c. 2. ead. Agatho Papa scribens omnibus Episcopis: sic omnes Apostolica Sedis Sanctiones accipienda sunt, tanquam ipsius divi Petri Doce firmatæ sint. Hæc tamen intellige proforo interno, ut diximus suprà. Nam in externo jus commune præponderat Concilijs; hæc Bullis; istæ Brevibus; his fignaturæ; & hæ vivæ vocis oraculis; ita Cassaing.cit.

Not. 8. per Corpus Juris Canonici intelligi volumen in se complectens 1. Decretu Gratiani, sic dictum à Collectore jurium priùs sparsorum. 2. Quinque libros Decretalium collectos justu Gregorij IX. 3. Librum sextum Decretalium Bonifacij VIII. 4. Clementinas, ac 5. Extravaguntes Joannis XXII. & communes, seu

aliorum Pontificum.

Decretum, seu prima pars Juris canonici, constat ex sententijs S. Scripturæ; decretis, & responsis Conciliorum, ac Sumorum Pontificum; legibus Romanorum Imperatorum; sententijs SS. Patrum, Historicoru Ecclesiasticorum, & proprijs ip= sius Gratiani. Dividitur in tres partes, quarum prima continet cum una centum distinctiones divisas in Canones, seu Capitula. Secunda 36. Causas, quarum singulæ dividuntur in suas quæstiones, & hæ in canones, seu capitula, inter quas quastio tertiæ causæ 33. continet septem distincti ones de pœnitentia. Tertia demum decreti pars habet quinque distinctiones de consecratione, pariter subdivisas per eanones, seu capitula.

84 Altera pars Juris canonici continet quinque libros Decretalium, in quibus comprehenduntur varia Summorum Pontificum rescripta, & responsa, mandato Gregorij IX. per S. Raymundum, ejusdem Capellanum, & Pœnitentiarium, collecta, & in varios titulos, & capitula distincta. Hi libri vocantur Decretales, à majori parte eorum, quæ in illis continentur. Nam in opere Gratiani multo plura funt decreta Conciliorum, quam epistola decretales Summorum Pontificum. Et ideo opus Gratiani dicitur decretum; Grego-

rij IX. verò, Decretales.

Tertia pars Juris Canonici complectitur librum sextum Decretalium, jussu Bonifacij VIII. ex diversorum Pontificum re-Tom. I.

sponsis congestum; dicitur fextus; eò; quod primum post accesserit quinque libris decretalium; & complectitur quinque libros, hi, rursum titulos, & isti canones, seu capitula, ad normam decre-

talium Gregorij IX.

Quarta pars comprehendit Constitu- 66 tiones Clementis V. tum in Concilio Viennensi, tum ante, & post editas, & ab earum authore vocantur Clementine, licèt illas Joannes XXII. Clementis succesfor primum absolverit, & promulgaverit. Constant pariter quinque libris in titulos,

& capitula distinctis:

Quinta demum pars continet eas con- 67 stitutiones; quæ hodie, & etiam postquam infertæ funt Corpori juris canonici, adhuc retinent nomen Extravagantium, instar non infertarum Corpori juris canonici, eò, quòd ob suam paucitatem, & diversorum Pontificum auctoritatem, certum fibi nomen non appropriaverint. Ex his aliæ funt, quas condidit Joannes XXII. Successor Clementis V & citantur prout alia capitula Decretalium, nifi, quòd addantur inter extravagantes Joannis XXII. aliæ, quæ factæ funt deinde sub ali js Pontificibus, & ad distinctionem priorum, dicuntur communes.

Cum autem interea temporis, à Sumis 58 Pontificibus priores subsecutis, editæ sint aliæ rurfum constitutiones, & leges Ecclefiastica, eas Petrus Mathai J. C. Lugdun. juxta modum titulorum in antiquis decretalibus commune, in unum librum collegit quem hodie librum 7. decretalium appellant; quia tamen hæc collectio à nullo Pontifice auctoritate accepit, defactò constitutiones in ea contenta, retinent ea tantum vim & valorem, quem ante collectios nem habuerunt, & non citantur aliter; quam aliæ Bullæ Pontificiæ, nimirum fub nomine Pontificis illius, qui talem constitutionem fecit addendô prima verba Bullæ, annum, & diem emanationis v. g. in Constit. seu Bulla Sixti IV. incip. Deo, & hominibus, edita 14. Apr. 1484.

Quoad Decretum Gratiani adverten- 69 du, illud, si spectetur eius Voluminis Collector, nullam habere juris auctoritatem. Sic enim ille consideratur, ut homo privatus, omnino carens omni potestate legislativa; imò, ut rectè notat Suarez l. 4. de leg: c. 5.à n. 6. Decretum illud hactenus nulla auctoritate publica, quoad omnia in illo

conten-

contenta, confirmatum fuit. Ex hoc fequitur, fingula capitula, quæ in decreto continentur, esse revocanda ad suam originem, sic, ut eis non tribuatur major authoritas, quam ipforum Auctori, à quo desumpta sunt. Scripta verò SS. Patrum non inferta juri communi, secundum locum obtinent post decreta Rom. Pontificum, ut ait Lancellot. cit. Non enim debetur par authoritas scripturis canonicis, & expositoribus earum; c. neque dist. 9.6 exemplis sana ratio praponitur. c. Sana eod. Inferta verò decreto non habent vim legis (cum ipfi, quà tales non fint conditores legum Ecclesiasticarum) magnam tamen, ut diximus, authoritatem.

Sequitur 2. nec ipsas Rubricas, decreto, ejusque capitulis, præpositas, habere auctoritatem canonis, ut docet Fagnanus inc. 1. de constitut. n. 40. nam rubricas composuit Gratianus, vel alius non majoris authoritatis. Excipe 1. rubricam decreti, quam volunt esse authenticam (cum fit generalis ad totum decretum) item Rubricas decretalium, Sixti, Clement. Extravag. ac Legum civilium. Hæ enim funt authenticæ, & allegari possunt ad decisionem causarum, si orationem perfectam habent, ut notat Fagnanus loc. cit n. 42. & in c. cum creatura n. 30. de celebrat. miss. dicitur autem Rubrica hîc summatio quædam, & compendium, præfixum titulis, & capitulis eorum, quæ in subnexo textu dicuntur, sic dicta à terra rubra, minio proxima, quod tali plerumque colore verba ejus signentur, quæ aliquando est generalior nigro, hoc est, ipso textu, cujus summam continet. Sic Pereyra iu Elucidar. n. 216.

Sequitur 3. Constitutiones Imperatorum, vel responsa Juris consultorum, quæ Gratianus in Corpus decreti transtulit, non esse eo ipso canonizata; seu, non eo ipso habere vim canonis seu legis Ecclesiasticæ; quia Gratianus eis dare non potuit vim canonis. Aliud est de cæteris Juris canonici partibus, ut decretalibus, Clementinis, & Extravagantibus. Nam has vim, & auctoritatem juris habere, indubitatum est, cùm ipsos Summos Pontifices habeant Auctores. Cùm autem in hoc volumine (nimirum in decreto Gratíani) nonnulla reperiantur inserta, quæ dicuntur Palea, inter Juris consultos dissidium

est, quid sit, vel denotet hæc vox Palea? Aliqui dicunt per Paleas fignificari res viles, & inanes; alij diclas volunt à suo Authore, quem dicunt fuisse Protopaleam Cardinalem; P. Engel in proæm. de juris canon. origin. n. 6. censet ex graco fignificari per eas, rerum antiquiorum additiones: Barbosa in proæm. decreti, n. 9. vult per eum textum, cui præfigitur vox Palea, intelligi responsum Palea; quem ait, fuisse discipulum Gratiani, consequenter notari dictum illud esse Palea, discipuli Gratiani, esto alij velint per paleas ibi intelligi quasdam additiones ab ipfo Gratiano, non eodem tempore, factas, fed tum in principio compilationis, tum fucceffive: Pereyra cit. in Elucid. n.254.cenfet illis locis, ubi reperitur apposita vox Palea, denotari eas rubricas, & capitula, sui magistri libro inserta esse à Palea Gratiani discipulo; quæ proinde sumpserunt nomen ab eodem homine inserente; consequenter plus authoritatis non habere, quam habeat earum Author.'

Quoad quinque libros decretalium !i- 72 brum fextum Clementin. & Extravag. notandum, omnes canones in eis contentos (quatenus eis derogatum non est, per canones posteriorioribus temporibus à Summis Pontificibus editos, aut consuetudinem legitimam) habere vim, & auctoritatem juris, quo omnes Christiani obstringantur, ut dicitur c. 1. de constit. cum authorem habeant Sumum Pontificem, cujus jurisdictioni in causis Ecclesiasticis, & Spiritualibus, ac pertinentibus ad æternam animæ salutem, tanquam Christi in terris Vicario, subsunt omnes Christiani sine difcrimine sexus, & status, c. 4. de Majorit. Gobed. Extrav. 1.eod. inter communes;& ideo Damasus Papa relatus in c. Violatores 25. q. I. ait: in Spiritum Sanctum blasphemare, Sacrorum Canonum Violatores, quoniam eius instinctu, ac dono dictati sunt.

Not. 9. cum dixerimus, corpus juris 73 canonici constare quinque partibus, 151-mirum decreto, 5. Decretalibus, libro Sexto, Clementinis, & Extravagantibus: ut sciatur, in qua parte locus juris citatus quærendus sit, advertendum 1. canones, seu capitula nominari, & citari, vel per numerum, quem habent sub suo titulo (ut c. 1.) vel à verbis initialialibus ut c. licet, ubi sensus est, quærendum,

vel canonem, vel capitulum, quod incipit à verbo licet, vel est in ordine, primum, secundum, prout sonat numerus, sub quo citatur, si autem in uno titulo plura fint capitula, quæ incipiunt ab eodem verbo, tune ad distinctionem, ut sciatur, quale ex illis intelligatur; simul addi numerum v. g. c. licet, elige secundum, communiter fic. c. licet, el. 2. quo notatur capitulum primum, vel secundum ex incipientibus à verbo licet in eodem titulo. Multi verò dum citant legem, vel capitulum, exprimunt non tantum illius verba initialia, sed etiam numerum in ordine capitulorum v.g.c. Per tuas. 7.

Advertendum 2. quoties citantur canones, seu capitula Decretalium, Clementinarum, & Extravagantium, semper etiam exprimi titulum (sub quo quærendus est canon, lex, vel capitulum) per materiam, de qua ille titulus agit, v. g. de rescriptis, de liberis, & posthumis &c. quo casu sensus est, legem, vel capitulum citatum, quærendum esse in titulo agente de rescriptis, vel materia citata.

Advertendum 3. quando citantur leges, canones, seu capitula cum titulo, comuniter etiam exprimi partem juris suo nomine proprio, in qua ille titulus quærendus sit v.g. digestis, Institutionibus, Codice, dixi communiter; nam hoc fallit in Decretalibus, quæ sunt secunda pars juris canonici; hæ enim citantur expresso solo capitulo, & titulo, quamvis addant aliqui hanc vocem extra, per quam notatur capitulum illud & titulum esse extra decretum, nimirum in decretalibus quærendum. Si autem capitulum, & titulus fit in libro sexto decretalium, semper additur: in Sexto.

76 Advertendum 4. quando citatur causa, ex secunda parte decreti cum capitulo, & quæstione, quibus ea causa constat, tausam citari juxta ordinem numeralem v. g. c. quicunque, causa. 1. q. 1. ubi nor. quastionem scripto exprimi communiter per lit. q. & causam, per solum numerum, non addendo ly causa v. g.c. quicunque 1. q. 1. Nam per cifram 1. denotatur causa prima, per q. quastio; aliqui tamen etiam illi cifræ apponunt ly causa, ut supra ostensum est; his præmissis:

Advertendum 5. quando citatur jus canonicum per solum capitulum, & distin-

Elionem v. g. c. scimus, distinctione 43. denotari primam partem decreti; fi citetur per capitulum, causam, & quastionem sine alio addito v. g. sic: c. Sacerdotes 2. q. 7. vel Sacerdotes, causa 2. quest. 7. aut etiam c. 8. 2. q. 7. denotari secundam partem decreti.dixi fine alio addito. si enim jus canonicum citetur per capitulum adjunctis verbis: de panitentia, cum distinctione (v. g. sic c. Magna pietas, de Panit. dist. 1. (denotari, citatum capitulum esse quærendum in quæstione tertia, caufæ 33. (ubi incipit tractatus de panitentia, divisus in septem distinctiones) ac inter capitula, quæ habentur in distinctione per numerum expressa. Ubi verò citatur capitulum cum addito: de Consecratione, simul exprimendo sub certo numero ejusdem tractatûs distinctionem, v. g. c. In Christo, de Consecrat. dift. 2. denotari illud capitulum, quærendum esse in tertia parte decreti, nimirum in distinctione nominată, tractatûs de consecratione.

Advertendum 6. quando citantur de- 78 cretales, non nominari ipsum volumen decretalium, sed tantum capitulum, & titulum v. g. sic c. à nobis de sentent. excommunic. vel citando capitulum sub folo numero v. g. 2. 3. &c. Ex hoc habetur, quando citatur jus canonicum expresso folo capitulo cum titulo, seu materia, dictum capitulum esse quærendum in illo libro ex quinque, quibus decretales constant, in quo habetur titulus, vel in quo agitur de illa materia, v. g. de sent. excommunicationis: apud antiquos autem quandoque reperitur citatio decretalium, nec capite, nec titulo allegato, præfigendô scilicet hæc nomina, titulus, caput; sed hoc modo: Extra, de foro competente, si diligenti, ubi sensus est quærendum extra decretum (nimirum in decretalibus.) titulo de foro competenti, in c. Si diligenti.

Advertendum 7. librum sextum de-79 cretalium ('qui continet tertiam partem in corpore Juris canonici, ac, sicut decretales in quinque libros divifus est) eodem modo, quo decretales, citari per capitulum, & titulum; co tamen diferimine, ut ad distinctionem à decretalibus, citatis capitulo, & tituo addatur ly in Sexto hâc v. g. formâ scribendi: c. Alma

Mater. de Excommunic. in 6. quo notatur illud capitulum effe quærendum in titulo de fententia excommunicationis non contento in decretalibus, sed in libro Sexto, qui constituit teriam partem Cor-

poris in jure canonico.

Advertendum 8. quartam partem, ut diximus n. 66. in corpore hujus juris, continere constitutiones Clementis, à quo vocantur Clementina, quæ pariter constant quinque libris, hi titulis, & isti capitulis, & citant ur primò allegandô nomen Constitutionis, quod habet ab Authore, cu ejus verbis initialibus v. g. Clement. Exivi additô titulô, v. g. de verbor ū significatione; sensus est in titulo, qui agit de verborum significatione, inter Clementis constitutiones, seu Clementinas, denotari eam, que incipit à verbo, Exivi. In quinta demum parte, que continet Extravagantes, citatio fit, ficut in Clementinis, hoc discrimine, quod apponatur nomen Authoris, si est Joannis XXII. v. g. sic: Extravag. S. Romana, de Religios. domibus Joann. - XXII. vel si est inter communes sic: Extravag. Rem, de dolo, & contumac. inter commun. ubi vides Extravagantem citari sub verbis initialibus, & per expressum titulum; quo notatur eam quærendam in libro sub titulo, qui agit de ea materia v. g. de dolo, vel religiosis domibus; ac demum, an quærenda sit inter extravagantes communes, an verò inter eas, quæ à Joanne XXII. conditæ funt; hæc tanquam prolegomena quædam præmittenda erant his, quæ deinceps tractanda veniunt.

ARTICULUS II.

De natura legis ingenere.

Pranciscus Snarez l. 1. de Legibus.
lex, inquit, est preceptum commune, justum, stabile, sufficienter promulzatum. His prædictis nonnulli doctores addunt acceptationem, quam volunt esse conditionem essentialem, sine qua lex non possit obligare. Lex dicitur vel ab eo, quòd ipsi per jus directionem, & præscriptam normam in agibilibus seligant agenda a non agendis. Hanc nominis ethymologiam pluribus examinat Azor institut. moral. tom. 1. l. 5. c. 1. q. 3. Est autem notandum, legem, generaliter acceptam, supponere pro quolibet jure, tam naturali;

& divino, quàm humano; & sie consideratur, ut quid superius ad statutum; pracceptum, dogma, & reliquas species, de quibus Suprà, si autem sumatur specisse, importat aliquid distinctum ab alijs, ut mox patebit. Et quamvis aliqui negent, jus naturale, in quantum supponit pro naturali lumine indicante, quid bonum, quidve malum sit antecedenter ad omnem prohibitionem Dei, esse propriè legem; rectiùs tamen affirmatur cum Castropalao p. 1. operis moral. trast. 3. D. 1. pu. 1. n. 3. de quo susius egi in trast. de vitis, & peccatis. Et ratio est, quia etiam illi definitio legis exacte convenit.

Not. 2. legem, in quantum dicitur à li- 83 gando (quia ligat homines ad sui observantiam, ut notat D. Thomas 1. 2. q. 90. a. 1.) varijs nominibus appellari juxta varias functiones, quas habet. Nam, cum lex doceat, dirigat, instituat, præscribat, quid, aut qualiter agendum, vel omittendum; quandoque pænas, vel præmia decernat: ab his suas quoque denominationes accipit, ut dicatur doctrina, institutio prescriptio &c. Et quamvis lex alias varijs nominibus appelletur, specialiter tamen dicitur jus, constitutio, statutum, Sanctio. Jus, quia jubet, & imperat, cuique tribui, quod suum est; constitutio, & statutum; quia constituit, & statuit, quid sit faciendum: Sanctio, quia fancit pænam non obtemperantibus L. Sanctio ff. de pœnis. Inter ista porrò nomina hæc est differentia, quòd leges Supremi Principis Secularis dicantur jus; decreta Summi Pontificis, constitutiones: inferiorum autem Principum, Provinciarum, civitatum, & populorum, fatuta; sic Azor tom. 1. Instit. moral. l. 5.9. 1. & 2. Suarez de Legib. l. 1. c. 1. & 2. Salas 1. 2. tr. 24. d. 1. à sect. 1. & seq.

Ex data legis descriptione not. 3. ad o-83 mnem omnino legem, quæ ligat ad sui observantiam, requiri. 1. quòd sit præceptum commune, justum, stabile, sufficienter intimatum ei, à quo ex obligatione observanda est, pro quorum expositione supponendum 1. homines ab initio cum libertate conditos, nulli publicæ potestati humanæ, quæ eos gubernasser, subjectos suisse; multiplicationem verò illos in communitates coadunasse, quarum gubernassionem

tionem,